



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Nicolai Revsneri Leorini Lavinga, Oppidvm Rhetiae  
Amoenissimvm Ac Pervetvstvm, Sitvm In Ripa Danvbiana**

**Reusner, Nikolaus**

**Lavingae, 1567**

**VD16 R 1442**

Ad Valentinvm Forstervm Ivreconsvltvm.

**urn:nbn:de:hbz:466:1-12428**

O vtinam lætus belli iam finis adesset!

O vtinam pax hanc longa bearet humani,

Scis benè scis bello nihil esse nocentius: omne

Nempe malum belli fert vitiosus amor,

Nulla salus bello: reuerentia nulla Deorum:

Armorum strepitu publica iura silent.

Optima pax rerum: pax oppida seruat & vrbem

Pax ciues æquos regnaq; tuta facit.

Pace viget pietas, & legum sancta potestas:

Gloria Musarum pace pudorq; viget.

Sed Deus illa suo moderabitur omnia nutu:

Qui dabit, vt Martis cesset in orbe furor,

Si qua mei tamen est in te quoq; cura relicta:

Nomen inoblito corde fer, oro, meum.

Summotumq; pari studio tueare, fideq;

Ne sperata meam deserat aura ratem,

Non tibi dedecori, nec ero, vir magne, pudor,

Gratia nec meriti surda futura tui est.

Quantumcunq; mee laudes & scripta valebunt

Officio dabitur scilicet omne tuo.

AD VALENTINVM FORST  
RVM IVRECONSULTVM

**D**um tu iustitiæ sacras moderaris habenas :

Verbosiq; colis iura seuera fori :

Nos iuuat Aoniidum studijs Forstere fororum

Quod rebus superest temporis omne dare.

Quæq; legat nostri memor olim serior ætas

Carmina securæ fingere mentis opus.

Sapè pater studium quid, ait, sectaris inane :

Arma velim discas ciuica ferre forj.

Sapè meæ dixi, tandem discede, Thalia :

Constitit ad vulsus protinus illa meos.

Sapè, piget, dixi, toruum blandita tuenti

Carmen ait, quid te scribere dulce piget ?

At tibi fors an opes, quæstusq; probatur inanis ?

Gazæq; virgineo plus Helicone placet ?

Demens qui rutilum confers virtutibus aurum :

Virtus et dicit, nobilitatq; virum.

Auro nobilior virtus, regumq; triumphis :

Viuimus hæc solùm : cætera mortis erunt :

At non Meonides bona magna reliquit in orbe ?

Nomen ab exequijs ille perenne tulit.

Quid sacer ille Maro ? teneri quid lusor amoris ?

I nunc et vanas i mibi præfer opes.

B ij Lingus

*Linq̄ue forum tristesq̄ reos : fac sacra Camenā  
Dulcibus : hæ clarum nomen ab arte dabunt.  
Sic me sæpè rogans, sic blandis vocibus vsa,  
In solitum tandem Musa retraxit opus.  
Vincor, et ingenium studio reuocatur ab isto.  
Desertoq̄ iterum carmina pango foro.  
Haud facile est tacitos naturæ expelleremotus.  
Ingenij debet semina quisq̄ sequi.  
Scilicet ad mores facilis natura reuerti:  
Nescia mutari, fixaq̄ sola manet.  
Sic ego nunc versu duro sæpè obsto labori.  
Sic ago cum Musis decipioq̄ diem.  
Luctibus hæ requiem, curis solatia præbent.  
Quoq̄ modo possunt tristia fata leuant.  
At tu quandoquidem Deus hunc tibi fauisti  
Vt res ore Ducum consilioq̄ regas :  
Ex animo frueri hisce bonis : iurisq̄ tuendis  
Sit tibi Perpetuus, sit tibi Sanctus amor.*

AD ANDREAM CR  
SIVM BRVNOSVICENSIS D  
TIONIS PRÆFECTVM.